

# Indhold

Aappilattoq	2
Ataatsimut aalajangersakkat	6
102-A	9
102-B	10
102-C1	11
102-C2	12
102-D1	13
102-D2	14
102-E1	15
102-E2	16
102-E3	17

## Aappilattoq

Kommunip nunaqarfiini Aappilattoq kangisinneraavoq. Nunaqarfik kangerlummiittumi Illua-ni qeqertaasamiippoq. Nunaqarfiup avannaata kitaata tungaanut kangerluullu tungaanut sammivii allat pingasut qaqqanik portusoorsuarnik assersimapput. Taamaammat nunaqarfiup allisarneqarsinnaanissaanut periarfissaqangaangilaq.

2016-imi januaarimi nunaqarfik 108-nik inoqarpoq. 1800-ukkunniilli nunaqarfik Aappilattoq inoqarsimavoq. Qitiusumilli tunisassiorfiornissamat atatillugu Nunap Isuani nunaqarfik 1922-mi niuertoqarfittut tunngavilerneqarpoq Silasiorfiup Prins Christians Sund-ip Aappilattumiit ungasissusia 65 km-iuvoq



### Inuit illoqarnerlu

Aappilattumi innuttaqassuseq nikerartorujussuugaluarluni kigaatsunnguamik nikerarunnaariartorpasippoq. Piffissamilu pilersaarusiornissumi innuttaasut amerlassusaasa 100-nut aalaakkaasunngortinneqarnissaat naatsorsuutigineqassappat aalisarnerup ineriartornissaa apeqqutaassaaq. Meeqqat inuusuttuaqqallu amerlanerungaatsiarneri peqqutaallutik 2016-imi nunaqarfimmi ukiorineqartut agguaqatigiissillugit 32-iupput, kujataani nunaqarfinnut allanut sanilliullugit appasittorujussuupput. Paarlattuanilli 65-it sinnerlugit ukiullit ikittuaraapput. Piffissami pilersaarusiornissami innuttaqassutsip aalaakkaasunngoreersimanissaa ilimagineqarpoq. Ukioqatigiillu ataasiakkaat eqqarsaatigalugit suli nikerangaatsiassapput. Ilaqutariinnut ataatsinut arfarleriikkuutaanilluunniit Aappilattumi illuliortoqartarpoq. Illut pisoqaassusaat apeqqutaalluni pitsaassusaat annikinneruvoq. Taamatuttaaq illut ilaat mikisuararsuupput. Illut tamarmik kuuffinnut atassusiligaangillat. Kisiannili amerlanerpaat kallerup inneranut atassusiligaapput. Illut amerlanerusut imermik kuuinnartulersorneqarnissaannut periarfissaqarpoq. Piffissami pilersaarusiornissumi amerlanerusunik inissiliortitertoqarnissaa ilimanangilaq. Piffissami pilersaarusiornissumi iluarsartuussisoqareerlunilu ussissaasoqareerpat illunik nutaanik ataasiakkaanik sanasoqartarnissaa naatsorsuutigineqarpoq.

### Umiarsualivik inuussutissarsiornerlu

Aalisartoqarnermut, piniartoqarnermut, pisiniarfeqarnermut, atuarfeqarnermut kommunillu iluani nunaqarfiit sullissiveqarfiini annerusumik allaffeqarnikkut inuussutissarsiorneq aqqqissuussaavoq.

Aappilattoq namminerisaminik umiarsualivissaqqissumik peqarpoq. Umiarsualivik qajannaatsumik talittarfeqarlunilu umiatsiaaqqanut puttasooqarpoq. Nunaqarfimmi aalisarneq ingerlalluarpoq. Taamaammat amerlanerusunik puttasulersuinissaq pisariaqarpoq. Aalisakkerivik 2012-miit 2014-imut nutarterneqarpoq kingornalu ammaqqinneqarluni. Isertitat saniatigut natsersuarnik allanillu puisinik pinialunneq isertitsissutaasarpoq. Sumiiffimmi puisip amia tunineqarlutillu Qaqortumut ingerlateqqinneqartarput. Nunaqarfimmi qalerallinnik qeeqqanillu aalisartoqarnerusarpasippoq.

Nunaqarfiup avannaatungaani portusuuni qaqqasiornissaq takornarianit

pissanganartinneqarpo.

#### **Sunnigiffik pisortallu sullissiveqarfii**

##### **Illut sullissiviit takuniarukkit nunap assinganiittut toorlugit takusinnaavatit**

Aappilattumi B-30 illuni pisoqaanersaavoq. Illup pisoqaassusaa isikkualu eqqarsaatigalugit eriagisassaqqissuuvoq. Illu pitsaavallaanngilaq taamaammallu iluarsaanneqartariaqarpoq.

Illu Sullissivimmi errorsiveqarpoq. Taamatuttaaq uffarnissamut, kulturikkut sammisassaqartitsinissamut ataatsimiittarfittullu atorneqarnissaanut periarfissaqarpoq. Nunaqarfimmi nakorsiartarfik Namminersorlutik Oqartussat ataanniippoq.

Atuarfik nunaqavissunik atualertoqartarpoq. Atuarfik 1 – 7 klassimiit atuortoqarlunilu 50-inut inissaqarpoq. Ukiumi atuarfiusumi 2016-17-imi tallimat allatsipput, piffissami pilersaaruserfiusumi atuortut amerleriarnissaat ilimananngilaq. Taamaammatt piffissami pilersaaruserfiusussami atuarfiup allilerneqarnissaa naatsorsuutigineqarani.

Pisiniarfik inissaqarluarluni ingerlalluarpoq. Piffissamilu pilersaaruserfiusussami allilerneqarnissaa naatsorsuutigineqanngilaq.

Nunaqarfimmi tamanut sanaluttarfimmi umiatsiaaqqanik iluarsaassinissamut periarfissaqarpoq.

2007-imi qatserisartoqarfik iluarsartuunneqarlunilu allilerneqarpoq. Qatserisartoqarfimmiippullu motorinik ingerlatallit qatserinermi pumpet, qaputserutit kiisalu putsumut pulalluni qatserinermi atortut. Nanortalimmi brandinspektøri qatserisartoqarnermut aqutsisuuvoq

#### **Aappilattumi teknikkikkut atortorissaarutit**

##### **Teknikkikkut atortorissaarutit takuniarukkit una toorlugu takusinnaavatit**

Nunaqarfimmi nukissiorfik nunaqarfiup qiterpasissuaniippoq. Innaallagissiorfik 2015-imi atulersoq allisaavoq taamalu tunisassiorfimmut naammattumik pilersuisinnaassuseqarluni.

Avannaata kitaatungaaniit nunaqarfik imermik pilersorneqarpoq. Tassani sapusiaqarpoq. Maanngaanniit nunaqarfiup imeqarfia nutaaq 2015-miilli pilersorneqalerpoq, tassanngaanniillu imertartarfiit aamma imermik pilersorneqarlutik. Illut tamakkerlugit innaallagissamut tulluuttumik ikkuffilersorsinnaajumallugit erngup aqqutaa anneq annertussuseqartillugu, portussuseqartillugulu silissusiligaavoq.

Nunaqarfinnut aalajangersimasumik timmisartuussinermut atorneqartartoq qulimiguulinnut mittarfik nunqarfiup kujataata tungaaniippoq.

Aappilattumi qeqertaasap kujammut nuuani attaveqaasersuisoqarnikuuvoq.

Eqqaavik ikuallaavillu nunaqarfiup kangiata tungaaniipput. Eqqakkanut ilagitillugit anartarfiit puukui nunaqarfiup ikuallaaviani ikuallanneqartarput. Eqqagassalli annertunerusut eqqaavissuarmut katersorneqartarput. Arsakut eqqagassallu ikuallanneqarsinnaanngitsut asserneqarlutillu inissinneqartarput. Saviminernik eqqagassanillu toqunartoqarsinnaasunik immikkoortiterisinaanissaq anguniarlugu immikkoortiterisernerup pitsanngorsaasoqarnissaa kissaatigineqarpoq. Anartarfiit katersoriarlugit saleqqaarnagit eqqaavissuup eqqaaniittumut kuuffilliamut kuineqartarput. Imikoorutit salinneqaratik kussinertigut imaanut kuutsinneqartarput. Eqqagassat pinngortitamut ulorianarsinnaasut katersoriarlugit Danmarkimut nassiunneqartarput.

Arsaattarfik nunaqarfiup avannarpasissuata ilaaniippoq. Arsaattarfik iluarsanneqassaaq. Aappilattumi marlunnik iliveqarfearpoq. Iliveqarfik pisoqaanerusoq nunaqarfiup avannaatungaaniippoq. Iliveqarfillu atuuttoq oqaluffiup avannaatunginguaniiippoq. Pisariaqartitsineq naapertorlugu oqaluffik allilerneqarumaarpoq.

Aappilattumi aqquserngit aqqusineeqqallu ujaraaqqanik sanaajupput taakkulu nunaqavissunit aserfallatsaaliorneqartarput.

Qulimiguullit mittarfiat, orsussaassiviit aammalu imeqarfiit eqqaat innimigisassanik killiligaapput. Oqarasuaateqarfiup atortorissaarutai asserneqaaqusaanngillat, kiisalu eqqaavimmiit ikuallaavimiillu sanaartukkanut qaninnernut naammattumik ungasissuseqassaaq.

Imerk katersuviit eqqaanniittut assiaqutit 2015-imi Pinngortitamut Avatangiisinullu Immikkoortortaqarfimmit nutaanik ilartorneqarput. Nunami tatsit nalaanni sanaartortoqassatillugu allatigulluunniit suliaqartoqassatillugu killeqarfiusinnaasut eqqumaffigineqassapput. Killeqarfiit NunaGIS-imit ingerlanneqarput.

#### **Nunaqarfiup ineriartortinnissaanut pilersaarut**

Nunap ilusaa peqquutaalluni allamik sanaartorfissaasinnaasumik ilanngussisoqarsimangilaq. Illunik nutaanik sanaartornissamut pisariaqartitsilernermet pissutaanerpaapput illut ullutsinnut naleqqukkunnaarsimasorujussuullutillu aserfallassimasorujussuit. Illut sisamat; B-244, B-245, B-246 aamma B-596 katillugilli illut arfineq marluk isaterneqartariaqarput. Illulli allat soorlu katersugaasiviup nutarternissaa pisariaqarpoq.

Inissiaqarfinnik iluarsaassisoqarnerisiugut qanillisaasoqarnerisigullu, soorlu illunik uiguleriiaanik, ilaqutariinnut ataatsinut anginerusunik illulioriternikkut nutaamik sanaartorfissaqalersinaavoq. Nunaqarfimmi utoqqarnut najugaqarfeqannginnera peqqutaalluni nutaanik utoqqarnut innarluutilinnulluunniit naleqqussakkanik najugaqarfiliortiternissap qulakkeerneqarnissaa pingaaruteqarpoq.

Nunaqarfimmi tunissassiorfiup ammaqpinneqarnissaanut annerusumik periarfissatuaagallartoq tassaavoq aalisartutut piniartutullu inuussutissarsiuteqarneq. Kiisalu nunaqarfiup avannaatungaani portusuunik qaqqasiorfissaqqissunik qaqqaqarnera pillugu – annermik takornariaqarneq eqqarsaatigalugu ineriartortitsisoqarnissaanut naleqqunnartuuvoq.

## Ataatsimut aalajangersakkat

Kommunimut pilersaarusiap immikkoortuani matumani "ataatsimut aalajangersakkat" qassiit suliarineqarsimapput, taakkulu Kommune Kujallermut tamarmut atuuttuupput taamaammallu "immikkoortortanut ataasiakkaanut aalajangersakkani" saqqummiuteqqinneqaratik. Ataatsimut aalajangersakkat kommunalbestyrelsip pilersaaruserneranut nunaminertanillu atuinermik aqutsinermut pituttuisuupput.

### 1. Aqquserngit

- A. Illoqarfinni asimilu aqquserngit pioreersut sananeqarumaartussallu eqqaanni aqquserngup qeqqaniit 7,5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- B. Illoqarfinni aqquserngit minnerusut nunaqarfinnilu aqquserngit eqqaanni aqquserngup qeqqaniit 5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- C. Kommunimut pilersaarummi aalajangersakkani sukumiinerusuni a. aamma b.-mi taaneqartuniit ungasinnerusumi sanaartornermut killiliussanik tamatigut aalajangersaasoqarsinnaavoq.

### 2. Biilit unittarfii

Nutaanik inissialiornermi, sullissiviliornermi (soorlu pisortat sullissiveqarfinni allanillu) aammalu inuussutissarsiorfiliornermi naammattunik biilinut unittarfiliortoqartassaaq. Kommunimut pilersaarummi sukumiisumik aalajangersakkatigut allanik aalajangersaasoqarsimatinnagu (illoqarfiup ilaanut pilersaarutini allanilu) makku minnerpaamik piumasaqaataasarpud.

- A. Ilaqutariinnut illuliani arlalinni inissianut marlunnut unittarfik ataaseq, aammalu
- B. Sullissiveqarfinni inuussutissarsiorfinnilu qulerilinnut 50 m<sup>2</sup>-mut unittarfik ataaseq
- C. Allanut immikkut ittumik atorneqartussanut pisariaqartitsineq naliliivigineqartassaaq

Biilit unittarfii nunaminertamik atugassanngortitsinermi allassimasassappud.

### 3. Nunaminertat atorneqanngitsut

Sumiiffiit ilaannut aalajangersakkani nunaminertat atorneqanngitsutut aalajangerneqareersimasut saniatigut nunaminertat siunertanut allanut atugassanngortinneqarsimanngitsut nunaminertat atorneqanngitsutut aqunneqassappud. Nunaminertat atorneqanngitsut atortulersuiffigineqassanngillat, toqqorsiviunatik torersuutinneqassallutillu.


### 4. Pinnguartarfiit

Arfinilinnit amerlanerusunik inissialtalinnik inissialortoqartillugu meeqqanut pinnguartarfiliortoqartassaaq.


### 5. Innarluutilinnit tikinneqarsinnaaneri

Aqquserngit, pisuinnaat aqquataat, illutat atortoqarfiillu allat kikkunnilluunniit orninneqarsinnaasut sananeqartillugit innarluutilinnit tikinneqarsinnaanissaat anguniarneqartassaaq.


### 6. Illut eqqissisitat

Illut atortoqarfiillu eqqissisitat (suussusii 1) Nunatta Katersugaasivia Toqqorsivialu akuersisimatinnagu piiarneqassanngillat, allanngortiterneqassanatik allatulluunniit allanngortinneqassanatik. Illut eqqissisitat allassimapput [uani](#).  [Fredede og bevaringsvaerdige huse.pdf](#) (93.4 KB)

## 7. Illut eqqissittarisassat

Illut atortoqarfiillu eqqissittarisassat (suussusii 2) kommunalbestyrelsi akuersisimatinnagu piiarneqassanngillat, allanngortiterneqassanatik silatimikkulluunniit allanngortinneqassanatik. Nunatta Katersugaasivia Toqqorsivialu oqaaseqaateqartinneqartassapput. Ullut taakku eqqissisinneqarsinnaanerit siunertaralugu kommunalbestyrelsi naliliisassaaq. Illut eqqissittarisassat allassimapput [uani](#).  [Fredede og bevaringsvaerdige huse.pdf](#) (93.4 KB)

## 8. Illut eriagissassat

Illut atortoqarfiillu eriagissassat (suussusii 3) sapinngisamik allanngutsaaliorneqassapput allannguutissatullu qinnuteqaatigineqartunut kommunalbestyrelsi piumasaqaateqarsinnaavoq illup eriagissariaqassutsi pigiinnarniassammagu. Illut eriagissassat allassimapput [uani](#).  [Fredede og bevaringsvaerdige huse.pdf](#) (93.4 KB)

## 9. Illut peerneqariaannaat

Illu ima ajortissimatigiguni allanut navianartorsiortitsisinnaalluni, imaluunniit qimanneqarsimaguni aammalu nunaminertamik atugassanngortitsinermit siunertaasutut atorneqarunnaarsimaguni inatsisinut naapertuuttunngortinneqassaaq (iluarsarneqarluni/atorneqalerluni imaluunniit ingutserneqarluni).

## 10. Illoqarfinni nunaqarfinnilu pilersuiviit

Tamatumunnga periarfissaqarnera oqaatigineqarsimappat ajornanngippallu nutaamik sanaartorfiit innaallagissamut, imermut kuuffinnullu kikkunnit tamanit atugassianut aqquuserneqarnissaat qularnaarneqassaaq.

Kuuffinnut kikkunnut tamanit atugassianut attavilernissaq ajornarpat imermik errortuutikumik anartarfinneersunillu eqiterivissamik tankiliortoqarnissaa imaluunniit avatangiisit pillugit aalajangersakkat qaqugukkulluunniit atuuttut aammalu errortuutikup anartarfiillu imarneqartarneri pillugit malittarisassat naapertorlugit erngup igitassap suliarineqarnissaannik Kommunalbestyrelsi piumasaqaateqarsinnaavoq.

Imeq nunap qaatigoortoq, aamma qalianeersoq, eqqakkanut kuuffinnut tamanit atugassianut ingerlatinneqartassanngilaq, kisiannili eqqaamiorisat illuinut, aqqusinernut, pisuinnaat aqquutaannut aammalu illuliorfiusimannigitsunut akornutaasussaaajunnaarlugu ingerlaartinneqartassalluni.

Erngup, innaallagissap kuuffiillu aqquutaat, tv-kabelit assigisaallu ajornartinnagu nunap iluatigoortinneqartassapput.

Pissutsit immikkut ittut pissutigalugit pisariaqalinngippat pilersuinermit aqquutit qarsullugit sanaartortoqassanngilaq qajanaaqquersuisoqassananiluunniit.

## 11. Asimi pilersuinermit atortorissaarutit

Eqqagassat imerpalasuunngitsut asimi sanaartornermeersut piginnittumit ikuallanneqanngikkunik aallarunneqassapput. Ikuallanneqarnerat illulianut pinngortitamulluunniit eqqaaniittumut navianartorsiortitsissanngilaq imaluunniit allanut akornutaassanani.

Arnartarfinnut anartarfiit spandii/puusiat, imaanut kuineqartussat, assaanneqartussat, asiutinneqartussat allatulluunniit allanut akornutaanngitsumik avatangiisinullu ajoqutaanngitsumik iginneqarsinnaasut atorneqassapput.

Illut pioreersut kuiasakkanik anartarfillit eqqarsaatigalugit piginnittup imeq atornikoq allanut avatangiisinullu ajoqutaanngitsumik igittassavaa.

Innaallagissiutunik atuineq sapinngisamik allanut ajoqutaannginnerpaamik pisassaaq. Asimi illuni atugassanik nukissiorneq seqinermit nukiusutit pinngortitamiillu nukissiutit allat atorlugit pisassasoq kaammattuutigineqarpoq.

## **12. Containerit**

Containerit ineqarfiusuni (A) aammalu qitiusoqarfinni (C) ataavartumik inissisimatinneqarnissaat akuerineqanngilaq. Containerit qalliutaannut, qalipaataannut atorneqartarnerannut kiisalu inissinneqarfigisaminni tulluarsarneqarnissaannut piumasaqaateqarsimatillugu immikkut ittunik akuersissuteqartoqarsinnaavoq.

## **13. Angallatinik inissiineq**

Ukiunerani angallatinik inissiinermut akuersissuteqartoqarsinnaavoq angallammik piginnittup illutaata eqqaanut (piginneqatigiiffiuppat attartortittagaappalliuunniit piginneqatigiit / piginnittut akuersineratigut), suliffeqarfiup angallataatillup attuumassuteqarfigisaata eqqaanut imaluunniit kommunip angallatinik inissiivissatut immikkoortitaanut.



## 102-A



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Aappilattoq

### Siunertaq

Ineqarnermut tunngasut

### Atorneqarnissaa

Illut eqimannigitsut / pukkitsut.

### Pissutsit atuuttut

Tamaaniipput nunaqarfiup illui immikkoortukkuutaartut aammalu affarleriit ataasiakkaat.

### Inissaq sinneruttoq

7,1 ha missaanni. Illunut 15 missaannut inissaqarpoq.

### Sanaartorfik

Illut ataasiakkaat affarleriillu. Sanaartukkat 1½-inik quleriilerlugit sananeqarsinnaapput. Silataat qisunnik krydsfinerinuunniit qalliuserneqassapput. Qaliaat pappialarsuarnik qalluiteqassapput. Qaliaat 20° sinnerlugit uinganeqassapput.

### Attavilikkat

Nunaqarfimmi kuuffeqanngilaq. Imeq eqqiaanermi atorsimasoq kussinertigut imaanut kuutsinneqartarpoq. Anartarfiit imaat anartarfilerisumit katersorneqartarput.

Innaallagissamut ikkutsittoqarsinnaavoq.

Nunaqarfiup ilarujussuani ukioq kaajallugu imeqarfimmut atassusertittoqarsinnaavoq.

### Immikkut aalajangersaaffigisat

Qulimiguullit mittarfeeraannut mikkiartortarfiit tingisarfiillu tamaanaqqupput

## 102-B



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Aappilattoq

### Siunertaq

Inuutissarsiuteqarfiit umiarsualiveqarfillu

### Atorneqarnissaa

Umiarsualivik inuussutissarsiorfillu

### Pissutsit atuuttut

Tamaaniipput talittarfik kiisalu illut inuussutissarsiornermi atukkat

### Inissaq sinneruttoq

0,8 ha missaanniit. Tamakkerluni sanaartorfigineqarsimavoq. Pioreersut allineqarsinnaapput illunillu paaasoqarsinnaalluni.

### Sanaartorfik

Umiarsualiveqarfik inuussutissarsiorfillu kiisalu quit, allaffiit isersimaartarfillu il.il. taakkununga atasut. Pisariaqarnera malillugu silami ilioqqaasoqarsinnaavoq. Illut 10 meterinit nunamiit portunerussanngillat.

Qaliaat minnerpaamik 20°-inik uinganeqassapput. Qaliata qaavi pappialarsuarnik / saviminernik qallersimassapput kiisalu iikkat qisummik / saviminernik qalliteqassapput.

Silataat qalipaaticissaassapput, tamaani illulianut allanut tulluartaullutik.

### Nunaminertat sanaartorfiunngitsut

Illut akorni atorneqanngitsut torersuutinneqassapput pissusitoqqamissullu itsinnarneqassallutik.

### Attavilikkat

Nunaqarfimmi kuuffeqanngilaq. Imeq eqqiaanermi atorsimasoq kussinertigut imaanut kuutsinneqartarpoq. Anartarfiit imaat anartarfilerisumit katersorneqartarput.

Innaallagissamut ikkutsittoqarsinnaavoq.

Nunaqarfiup ilarujussuani ukioq kaajallugu imeqarfimmut atassusertittoqarsinnaavoq.


### Immikkut aalajangersaaffigisat

Mikkiartortarfik killilersuiffigisaq tamaanaquuppoq.

### Sanaartukkanik pioereersunik avatangiisiannillu allanngutsaaliuineq

Illut eriagisariallit sisamaapput, kategori I-mi: B-86 aamma B-93 kiisalu Kategori II-mi: B-87 aamma B-88

## 102-C1



### **Killiffik**

Akuerisaq

### **Immikkoortortaq**

Nunaannaq

### **Sumiiffik - illoqarfik / nunaqarfik**

Aappilattoq

### **Siunertaq**

Siunertanut ataatsimoorussanut tunngasut

### **Atorneqarnissaa**

Innunut tamanut sullissiviit - atuarfik, paaqqinnittarfik, oqaluffik, niuertarfik assigisaallu.

### **Pissutsit atuuttut**

Tamaaniippoq niuertarfik

### **Inissaq sinneruttoq**

Niuertarfiup eqqaa - 0,8 ha missaanniitq. Tamaaniipputtaaq angerlarsimaffiit pingasut. Illut alliffissaqarput.

### **Sanaartorfik**

Pisariaqarnera malillugu silami ilioqqaaneq akuerineqarsinnaavoq.

Sanaat nunamiit 7,5 meterinik portunerusunngortinneqassanngillat. Qaliat minnerpaamik 20°-inik uinganeqassapput. Qaliata qaavi pappialarsuarnik / saviminernik qallersimassapput kiisalu iikkat qisummik / saviminernik qalliteqassapput.

Silataat qalipaatisaassapput, tamaani illulianut allanut tulluurtuullutik.

### **Nunaminertat sanaartorfiunngitsut**

Niuertarfiup eqqaa - 0,8 ha missaanniitq. Aammattaaq angerlarsimaffiit pingasut tamaaniipput. Illut alliffissaqarput.

### **Attavilikkat**

Nunaqarfimmi kuuffeqanngilaq. Imeq eqqiaanermi atorsimasoq kussinertigut imaanut kuutsinneqartarpoq. Anartarfiit imaat anartarfilerisumit katersorneqartarput.

Innaallagissamat ikkutsittoqarsinnaavoq.

Nunaqarfiup ilarujussuani ukioq kaajallugu imeqarfimmut atassusertittoqarsinnaavoq.

### **Immikkut aalajangersaaffigisat**

Orsussaassiviup eqqaa killilersuiffigisaavoq.


### **Sanaartukkanik pioreersunik avatangiisiannillu allanngutsaaliuineq**

B-30 eriajisassaavoq.

### **Avatangiisitigut mianerisassat**

Oqaasissaqartoqanngilaq.

## 102-C2



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Aappilattoq

### Siunertaq

Siunertanut ataatsimoorussanut tunngasut

### Atorneqarnissaa

Innunut tamanut sullissiviit - atuarfik, paaqqinnittarfik, oqaluffik, niuertarfik assigisaallu.

### Pissutsit atuuttut

Tamaaniipput atuarfik, oqaluffik illulu sullivik

### Inissaq sinneruttoq

Atuarfik, illu sullivik oqaluffillu - 0,5 ha missaanniittut. Illut alliffissaqarput.

### Sanaartorfik

Pisariaqarnera malillugu silami ilioqqaasoqarsinnaavoq. Sanaat nunamiit 7,5 meterinik portunerusunngortinneqassanngillat. Qaliaat minnerpaamik 20°-inik uinganeqassapput. Qaliata qaavi pappialarsuarnik / saviminernik qallersimassapput kiisalu ikkat qisummik / saviminernik qalliteqassapput.

Silataat qalipaatisaassapput, tamaani illulianut allanut tulluurtuullutik.

### Nunaminertat sanaartorfiunngitsut

Illut akornini nunaminertat atorneqanngitsut torersuutinneqassapput pissusitoqqamissullu itsinnameqassallutik.

### Attavilikkat

Nunaqarfimmi kuuffeqanngilaq. Imeq eqqiaanermi atorsimasoq kussinertigut imaanut kuutsinneqartarpoq. Anartarfiit imaat anartarfilerisumit katersorneqartarput.

Innaallagissamat ikkutsittoqarsinnaavoq.

Nunaqarfiup ilarujussuani ukioq kaajallugu imeqarfimmut atassusertittoqarsinnaavoq.


### Immikkut aalajangersaaffigisat

Tamaani orsussaasiviup eqqaa killiliivigisaavoq.

### Sanaartukkanik pioreersunik avatangiisiannillu allanngutsaaliuineq

B-30 eriagisassaavoq

## 102-D1



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Aappilattoq

### Siunertaq

Sanaartorfissaanngitsoq sunngiffimmullu tunngasut

### Atorneqarnissaa

Sukisaarsaarfissiaq

### Inissaq sinneruttoq

arsaattarfik 1,1 ha missaanniittoq

### Sanaartorfik

Illut atorneqarnissaanut aalajangersakkanut taaneqareersunut toqqaanartumik attuumassuteqanngitsut tamaani sananeqassanngillat.

### Nunaminertat sanaartorfiunngitsut

Taakku eqqaat pissusitoqqamissut itsiinnarneqassapput. Iloqqaasoqassanngilaq.

### Immikkut aalajangersaaffigisat

D2-ip nalaani qulimiguullit mittarfiannut mikkiartortarfik tingisarfillu

## 102-D2



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Aappilattoq

### Siunertaq

Sanaartorfissaanngitsoq sunngiffimmullu tunngasut

### Atorneqarnissaa

Sukisaarsaarnermi atugassaq iliveqarfillu.

### Pissutsit atuuttut

Arsaattarfik iliveqarfillu

### Inissaq sinneruttoq

Iliveqarfik oqaluffiup eqqaaniittoq 1000 m<sup>2</sup> missaanniittoq - tassa 0,1 ha missaanni

### Sanaartorfik

Illut atorneqarnissaanut aalajangersakkanut taaneqareersunut toqqaanartumik attuumassuteqanngitsut tamaani sananeqassanngillat.


### Nunaminertat sanaartorfiunngitsut

Tamakku eqqaaniittut pissusitoqqamittut itsinnarneqassapput. Tamaani ilioqqaasoqanngilaq.

### Immikkut aalajangersaaffigisat

D2-ip nalaani qulimiguullit mittarfiannut mikkiartortarfik tingisarfillu

## 102-E1



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Aappilattoq

### Siunertaq

Teknikkikkut atortorissaaruteqarfik

### Atorneqarnissaa

Immikkut atugassiaq - teknikkikkut atortorissaaruteqarfik annerusoq

### Pissutsit atuuttut

eqqaavik.

### Inissaq sinneruttoq

eqqaavik - 0,7 ha missaanniittoq

### Sanaartorfik

Teknikkikkut atortorissaaruteqarfimmut atasumik illuliortoqarsinnaavoq.

Sanaat nunamiit 10 meterinik portunerusunngortinneqassanngillat. Qaliaat minnerpaamik 20°-inik uinganeqassapput. Qaliata qaavi pappialarsuarnik / saviminernik qallersimassapput kiisalu iikkat qisummik / saviminernik qalliateqassapput.

Silataat qalipaatisaassapput, tamaani illulianut allanut tulluartaullutik.

### Attavilikkat

Nunaqarfimmi kuuffeqanngilaq. Imeq eqqiaanermi atorsimasoq kussinertigut imaanut kuutsinneqartarpoq. Anartarfiit imaat anartarfilerisumit katersorneqartarput.

Innaallagissamut ikkutsittoqarsinnaavoq.

Nunaqarfiup ilarujussuani ukioq kaajallugu imeqarfimmut atassusertittoqarsinnaavoq.

### Immikkut aalajangersaaffigisat

Qulimiguullit mittarfeeraannut mikkiartortarfiit tingisafiillu

## 102-E2



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Aappilattoq

### Siunertaq

Teknikkikkut atotorissaaruteqarfik

### Atorneqarnissaa

Immikkut atugassiaq - teknikkikkut atotorissaaruteqarfik annerusoq

### Pissutsit atuuttut

qulimiguulinnut mittarfeeraq

### Inissaq sinneruttoq

helistop - 0,3 ha missaanniittoq

### Sanaartorfik

Teknikkikkut atotorissaaruteqarfinnut atasunik illulioraqarsinnaavoq.

Sanaat nunamiit 10 meterinik portunerusunngortinneqassanngillat. Qaliat minnerpaamik 20°-inik uinganeqassapput. Qaliata qaavi pappialarsuarnik / saviminernik qallersimassapput kiisalu iikkat qisummik / saviminernik qalliteqassapput. Silataat qalipaatisaassapput, tamaani illulianut allanut tulluartaullutik.

### Attavilikkat

Nunaqarfimmi kuuffeqanngilaq. Imeq eqqiaanermi atorsimasoq kussinertigut imaanut kuutsinneqartarpoq. Anartarfiit imaat anartarfilerisumit katersorneqartarput.

Innaallagissamut ikkutsittoqarsinnaavoq.

Nunaqarfiup ilarujussuani ukioq kaajallugu imeqarfimmut atassusertittoqarsinnaavoq.

### Immikkut aalajangersaaffigisat

Qulimiguullit mittarfeeraannut tingiartortarfiit mikkiartortarfiit



## 102-E3



### Killiffik

Akuerisaq

### Immikkoortortaq

Nunaannaq

### Sumiiffik - illoqarfik / nunaqarfik

Aappilattoq

### Siunertaq

Teknikkikkut atortorissaaruteqarfik

### Atorneqarnissaa

Immikkut atugassiaq - teknikkikkut atortorissaaruteqarfik annerusoq

### Pissutsit atuuttut

Nalunaarasuartaateqarfik

### Inissaq sinneruttoq

0,5 ha.

### Sanaartorfik

Teknikkikkut atortorissaaruteqarfinnut atasunik illuliortoqarsinnaavoq.

Sanaat nunamiit 10 meterinik portunerusunngortinneqassanngillat. Qaliaat minnerpaamik 20°-inik uinganeqassapput. Qaliata qaavi pappialarsuarnik / saviminernik qallersimassapput kiisalu iikkat qisummik / saviminernik qalliteqassapput.

Silataat qalipaatisaassapput, tamaani illulianut allanut tulluurtuullutik.

### Attavilikkat

Nunaqarfimmi kuuffeqanngilaq. Imeq eqqiaanermi atorsimasoq kussinertigut imaanut kuutsinneqartarpoq. Anartarfiit imaat anartarfilerisumit katersorneqartarput.

Innaallagissamut ikkutsittoqarsinnaavoq.

Nunaqarfiup ilarujussuani ukioq kaajallugu imeqarfimmut atassusertittoqarsinnaavoq.

### Immikkut aalajangersaaffigisat

Qulimiguullit mittarfeeraannut tingiartortarfiit mikkiartortarfiit